



Bab : Main Bab

Fasl : Sood/Interest

Sawal No : 108

Upload Date : 06-01-2024

Topic : Ca Ki Degree Hasil Karna Aur Sudi Hisaab Kitaab

Sawal : Ca Ki Degree Jayaz Hai ? Aur Us Ki Job Karna Ke Us Me Sudi Hisab Kitab Bhi Karna Hota Hai ?

Jawab : Sirf Ca Ki Degree Lene Me Koi Harj Nahi Hai, Lekin Ca Ki Degree Lene Ka Baad Ca Ko Bank Se Milne Wale Intrest Ka Kaam Bhi Karna Padta Hai, To Ye Intrest Ke Kaam Me Support Karna Hai, Ya Nahi, Is Bare Me Ulma E Kiram Ke Alag Alag Opinion Hai.

■ **Niche Ap Ke Samne "Darul Ifta Wal Qaza - Jamia Binnoriya Aalamiya" Ka Fatwa (Serial No.10426) Naql Kiya Jata Hai.**

Sawal : Me Chartered Account Ki Practice Kar Raha Hu, Mera Asal Kaam Account Ka Audit Karna Hai, Audit Me Auditer Ko Account Ke Sach Aur Haqaiq Ke Bare Me Apni Ray Ka Izhaar Karna Hota Hai, Apni Ray Ke Izhaar Ke Liye Ham Un Ke Accounts Check Karte Hai, Tasdeeq Ya Checking Ke Doran Aamadan (Income) Aur Kharch (Expense) Ke Bare Me Hame Koi Galti Nazar Aaye, Khawah Vo Qalam Band Kiye Gaye Ho, Ya Na Kiye Gaye Ho, Ham Unhe Durust Karne Ki Ray Dete Hai, Agar Hamare Paas Bank Ka Audit Aaye, To Kya Ham Bank Ka Audit Kar Sakte Hai ?

Jawab : Auditer Ka Taalluq (Connection) Chunke Ba-

Raherast (Direct) Soodi Len-Den Se Nahi Hota, Balke Pehle Se Anjaam Diye Huve Muaamlaat (Works) Ki Chaan-Been Se Hota Hai, Is Liye Is Ki Gunjaaish Malum Hoti Hai, Aur Agar Ise Soodi Muaamlaat Ki Muaavanat (Help) Hone Ki Bina Par Tark Kar Diya Jaye, To Behtar Hai.

Note : Ye Fatwa Image Ki Shakal Me Google Par Available Hai.

■ **Isi Tarah Ka Aek Aur Sawal - Jawab (Fatwa No. 143101200283) Binnori Town Ki Website Par Mavjood Hai.**

■ **Sawal : Mera Sawal Ye Hai, Ke Kya Chartered Account Ki Nokri Us Hadees Ke Zumre Me To Nahi Aati, Jis Me Sood Khane Wale, Khilane Wale, Likhne Wale, Aur Gawah Banne Walo Par Laanat Aayi Hai ?**

■ **Jawab : Chartered Account Ki Nokri Chunke Soodi Len-Den Ke Alawa Dusre Maaliyati Shobo (Financial Department) Me Bhi Ho Sakti Hai, Is Liye Jab Tak Vo Soodi Len-Den Ke Muaamalat Se Vabasta (Connect) Na Ho, Us Vakt Tak Vo Is Vaeed Ke Zumre Me Nahi Aata.**

■ **Khulasa : Dono Fatwo Ko Samne Rakhte Huve Ye Bat Vazeh Hoti Hai, Ke Agar Koi Ca Ka Kaam Kar Raha Hai, Aur Soodi Muaamalat Me Involve Ho Raha Hai, To Us Ke Liye Bachna Behtar Hai, Fir Bhi Agar Koi Involve Ho Raha Hai, To Chunke Auditer Ka Taalluq (Connection) Ba-Raherast (Direct) Soodi Len-Den Se Nahi Hota, Balke Pehle Se Anjaam Diye Huve Muaamlaat (Works) Ki Chaan-Been Se Hota Hai, Lihaza Us Ki Kamai Ko Haram Nahi Kaha Jayega. Fakt - Allah Ta'ala Sabse Zyada Janne Wale Hai.**



© Copyright 2023 DARUL IFTA WAL IRSHAD
Development By : IBNE ASIF GRAPHICS & DIGITAL PARTNER